

忠正德文集卷五

宋趙鼎撰

宋趙鼎撰

贊

蔡忠惠公遺像贊

此文從蔡忠惠集補入



儒林儀表國家棟梁風雲翰墨錦繡文章駕長虹於寥

廓聽鳴鳳於高岡

同五言古詩

已亥秋陪伯山遊中條窮盡山中之勝明年春迓

伯山王毅伯再過山下呈伯山

忠正德文集

卷五

一

條山有佳色不入俗子眼結廬傍涑水永與山作伴一

脚踏宦遊坐歎千里遠長恐山靈檄重令猿鶴怨竭來

河之湄用意固不淺擬從水石行稍釋烟霞戀而於闐

闐中舉首卽相見相看猶有情不改舊顏面自憐非故

吾撫心祇媿赧惟公絕俗姿體道任舒卷笑揖浮邱伯

雙鳧脫羈絆步武招我陪放歌容我亂窅窅空翠間風

馭躡雲棧山亦爲君容景態互明煥別去今幾時茲遊

倏飛電所思在巖壑欲往不得便此身被官縛事迫胡

可緩京風漲邊塵羸馬注長坂崎曲餘百里盡日期往

返問途策而前不復微吟歎向來經行處猶作生綃展
悵念捫蘿手去斂趨庭板忽放微雲開顧我一笑莞出
沒高樹端退避還偃蹇俗駕良已非塵容更增覩解鞍
迫昏暮假榻憩疲懶夜夢五老人詰詬不容辯局促將
安之勇退在能斷利害甚白黑胡爲兩交戰語已去飄
忽欲留不可挽那知有志士居以貧爲患求田亦本謀
他日當能辦伏櫪馬告勞投林鳥知倦歲時耕耨餘食
息桑榆晚優游聊卒歲誰復議擄散却坐涑水傍適我

結廬願

忠正德文集

卷五

二

陪王毅伯遊柏梯寺次毅伯韻

伊昔耐辱人

司空表聖自號耐辱居士

誅茅此山谷愛閒如愛官食

薇如食肉酌泉吸山光清冷飽空腹故居今宛然修篁
蔽山麓我亦困塵籠暮年思退縮道人梯柏處夢想長
在目崎嶇乃夙心寧問隘車轂危磴亂水石悲風號竹
木欵步轉嶽岬舉頭蒙樸藪徑欲走其顛仰羨孤飛鷺
層峯擁戶來何啻三十六幽人豈知此相對一茅屋眞
成拓異境不勝無遺鏃夜枕却生寒尚煩盃酒燠清夢
那得長魚鼓驚晨粥五老曉相迎霧雨如鹽沐引我眺

北嶺坐覺天宇蹙朝日湧地低明霞疑可掬欲留採黃
精媿此鬢髮禿正恐泛槎星已見君平卜

次韻

平生隱遁資白駒在空谷儻令眼有山寧問食無肉要
當揖爽氣滌此勤書腹得官大河濱枕帶首陽麓如聞
五老勝坐使山峯縮捫蘿上巉絕作意快心目却視宇
宙間萬化轉一轂道人眞有道直上駕危木神光秘巖
隈靈草蒙樸藪空令蓮社子紛擾亂鳧先生志高古
眞遊窮六六飄然清夜夢時到山頭屋念此感塵迹一
忠正德文集 卷五 三

再次韻

蒼顏五老人潛此十里谷孤標面有稜瘦骨饑無肉手
揮雲霧開絕澗坦其腹乃知奇偉狀未省出山麓窮幽
偶見之欲遁不及縮亦憐麋鹿資笑睨回青目政欲挽
渠衣未應回我轂却顧巖底鬱鬱聳喬木尚茲遺棟

梁况乃問樸菽我亦脫網羅江湖漾孤鶩念此難折腰
本無蘇印六何意從公遊大嚼渠渠屋公仍爲鋪寫妙
語矜破鏃一看雲臥冷固鄙權門煥懸知飢藜羹不換
咄嗟粥笑我漫彈冠短髮不勝沐眞恐緣壁枯莫作蝸
行蹙但當葺詩業萬象入吾掬要與麴生狂一掃中書
秃此計是耶非更擬從公卜

王官谷夜歸次伯山韻

讀公出谷詩語峻有骨肋使我兩目明燭籠照昏黑欲
和輒復已夜漏下幾刻

忠正德文集

卷五

四

出郭次伯山韻

道心日和平向人絕城府雅意在泉石外物等泥土終
尋勾漏公丹砂養龍虎

天欲遊靜林不果

林泉共一山欲往不得暇我不如陶生日到遠公社安
得縮地術坐我雲門下

翠微閣

秋山插半空山半倚危閣游子山下行秦川正搖落日
暮天宇寬西風卷雲幕

南泉

陰液淪山顛天匠鑿其腹噴薄湧飛泉散落珠百斛幽
人時一來但愛消煩溲何當作膏雨萬里蒙靈霖

還城次必強韻

俗駕不可留歸途無乃遽未飽愛山心復踏還城路念
彼城中人鐘鼓催朝暮

獨樂園夜飲梅花下再賦

我有一樽酒爲君消百憂當春梅盛發去作花間遊娣
娥從東來愛此亦遲留便欲買花去玉缺戀枝頭花動

忠正德文集

卷五

五

月光亂月移花影流橫斜滿盃盤酒面香浮浮舉觴吸
明月與花相勸酬君若不盡飲恐爲花月羞緬想李太
白對酒無朋儔當時明月下還有此花不

次韻酬贈元長少卿

夫子稟家學玉德潤無色搢紳先生間早歲聲籍籍晚
乃落筌蹄雲空鳥滅跡功名翰墨場一笑兒時劇

寄贈向叔美二首

夫子冰玉質未肯汚膏梁坐此困州縣一飽猶皇皇懷
才幾時用鬢髮行老蒼今世無伯樂不識眞乘黃

結交恨不早天意非人謀論文一樽酒邂逅古虔州我
嘗評其人請從前輩求紛紛此薄俗定將誰與儔

夢覺一首時將解安邑赴調

明月入破窗一室炯如曉幽人睡易驚遙夜正寒悄自
緣懷抱惡安得夢寐好推枕惘不樂念念墮空杳所思
天一涯忽忽令人老老境足悲傷窮愁更縈繞嗟余竟
奚爲濫爲策名早漫浪戲一官不覺成潦倒况此百日
中隨分接紛擾跼如轅下駒孤甚沙洲鳥未妨公事多
但使癡兒了州縣定勞人侏儒尚能飽母作腐鼠嚇要
忠正德文集

卷五

六

同牛驥阜更憐愛酒陶未免空囊趙去矣莫留行崢嶸
歲云杪三宿戀桑下千載歸華表更堪無定居驚飈轉
蓬葆臥聞南飛鵠悲鳴樹三遠念爾將安之天闊風霜
渺不如刷勁翮去躡鴻鵠矯

龜山寺詩

夕照銜半壁烟霏淡橫練呼風掛帆席晚著淮東岸波
流蕩伏龜山脚插秋漢白塔歛飛動紺宇鎖華煥小閣
候潮平微徑依山轉雲林杳靄閭歷歷皆奇觀十年客
京洛每抱轅駒歎何意頓蕭然朝來舟出汴眼界霄壤

分骨相仙凡換鱸從秋後肥米到淮南賤幸脫兵火餘
苦爲塵網絆滄海寄餘齡去此不難辦招邀謫仙人騎
鯨遊汗漫或作煉煙或作無霧或作無人愁黑風卷半空
林外儀眞玉清昭應宮成鑄聖像於此

樓觀俯長江竹樹蔽修嶺入門却立驚清曠非人境福
地包形勝眞儀入範鎔護持國祚永報貺年穀豐蓬萊
杳莫尋弱水三萬里我欲試丹訣誅茅或在此神仙可
學否要且扶頹齡生當兵火日飄泊安得寧愛之不可
留弛擔休信宿白鶴唳石壇香烟遶雲屋夜久萬籟息
忠正德文集 卷五 七
松風度玉琴瀟然不能寢相伴一哀吟

舟行著淺夜泊中流

雪漲秦淮水春生白鷺洲洲前棹歌發送此一葉舟轉
拖起帆席快甚誰能收舟師拙于事遂作中灘留支撐
莫動搖喘汗徒呀咻彈繩測河道篙竿伺潮頭疎篷雞
柁低兀坐如拘囚仰羨雙飛鷗安得從之遊日落暮雲
碧波光澹如秋四顧渺無極黯黯令人愁黑風卷半夜
大浪掀中流傲兀不能寢取酒聊相酬人生天地間大
海一浮漚風水審如此蛟龍應見求未脫干戈地敢爲

身世謀醉酣還就枕吾已信沈浮

吳帝廟

阿瞞鬼之雄掌握弄神器孫劉相繼踵分爭足鼎峙支
吾僅自保終作降囚係智力非不如亦各論其地吾聞
隆準公幾爲強楚斃轉粟收散兵正賴關中勢中原乃
腹心四肢吾所制英雄建立初豈但夸一世處之或不
然果非長久計古人今復生此論無以異

泊震澤道中步游善宥寺觀芍藥回舟中小飲用

范四韻

忠正德文集

卷五

八

非才與時背空手行路難朱門極嚴冷仰首不可干初
欲効寸進挽舟入節難雅意同心人贈之雲錦端雖云
食破硯渴擬回狂瀾胸次竟莫吐千丈虹蜺蟠誰復議
行藏浩歌空倚欄南來寄疎蓬蝦菜豈所歡尋幽偶一
笑芳葩發奇觀念爾託根遠香色不易完姓名逋客晦
風味書生酸作詩慰流落激烈窮雕剗愁人多苦語步
邁吟且看歸懷正惋結賴此杯酒寬忽忽時歲邁淒淒
風雨殘曷當三徑歸暫卜一枝安寵辱定何物向來心

已闕

過平望趣吳興阻風遊殊勝寺用益謙韻

羃羃疎雨歇冷冷晚風清扁舟泊清淺落日涵空明門
臨稻畦沒水浸莎岸平欠伸得寬曠杖履喜微行招提
掩深靚房戶開斜橫紛紛諸衲子尚作迎送情神武行
掛冠吳市今變名及聞名理談頓覺肝膽傾凡籠了無
著古佛當自成已復外身世何者爲官榮同遊有亞父
早定登壇盟歸來不受賞慨慷羞論兵間閭取封侯健
兒勝書生因之發深省種種鴻毛輕

山水過子陵灘題僧舍壁

忠正德文集

卷五

九

山水莽回互轉盼圖畫間念此清絕地昔人所盤旋舟
子相歎嗟示余子陵灘有臺出山半藤蘿蒙蘚斑緬想
建武功用人及茅菅獵取汝穎士列宿樞極環中有貧
賤交客星犯帝關其能榮辱之但及平生懽志願乃有
在歸歎一漁竿高風逸千載獨立誰躋攀山僧本何知
結屋臨清灣笑謂舟中客何爲爭嶮艱權門有遺塚造
請無寒暄囁嚅到童僕俛仰慚衣冠所得諒幾何施汗
流而顏偃鼠不過飽鷓鴣亦求安子能于此義分子一

席閑不楚吳興田風燕振羽去用益謙詩

奉送呂若谷縣丞任蒲東歸五首

著鞭愧後發挾矢爭先登肯顧危機在尚以智力矜曷
不往試之投足還兢凌寄謝婁羅兒老矣病未能

三年異亭上看盡洛中山山亦爲君好朝昏圖畫間那
知張季鷹高興不可攀忽見秋風起東隨洛水還

異也幕府舊

聰問叔異

阿升交分深

不問季升

與君均骨肉况乃

相知心遽復捨我去倍覺傷離衿高亭東望眼從此費
登臨

夫子有高趣一官聊爾耳獨騎破虎羈憔悴洛城裏

忠正德文集

卷五

十

想文穆公青嵩照伊水百年風烈在須公一振起

忽忽歲華暮悠悠心事違此行元自懶前計頗知非公
有酒堪隱我無田可歸月明枝未穩誰念鵲孤飛

真率會諸公有詩輒次其韻

山林與鐘鼎出處無異趣芻豢等藜藿同是一厭飫此

心無適莫外物曾何忤奚獨淡交遊未肯厠統袴故尋
漫浪人要作尋常聚主旣不速客客亦隨卽赴傾談劇

懸河瀉酒快流淫百年人醉醒萬物皆僑寓云何造請
門日滿戶外屢却想耆英遊風流甚寒素淡然文字歡

一笑腥膻慕我亦蹭蹬餘早向危機悟絕意鷓鴣行幸
此松蘿附君詩妙鋪寫縱橫俱中度我老學荒廢一詞
不能措獨于樽酒間不惜淋漓汚何當賦歸歟去斂頭
角露家有鷹門兒稍能隨指顧雞黍林下期視此猶應
屢有興卽放言安能限章句

寄金陵諸幼

去年都城開南下相繼踵我亦扁舟攜汝百指衆汝
寧爲我累我獨干汝重今而暫相遠愁亦慮汝共因人
問在否未語先憐恐淚下復吞聲寢悞不成夢儻有相
忠正德文集 卷五 十一
見期勿復藉官俸一飽不求餘去辦南山種

七言古詩

乙巳二月初八日集獨樂園夜飲梅花下會者宋
退翁胡明仲馬世甫張與之王子與林秀才及余
凡七人以炯如流水涵青蘋爲韻賦詩分得流字
孟公飲狂車轄投百適遂與俗沈浮謫仙醉吟驚冕旒
氣侮權倖無悔尤不如淵明此意俱悠悠飄然不繫之
虛舟偃蹇不從刺史遊遇酒或能道上留介不爲高通
不偷亦知出處非人謀人生一世罹百憂驚風變滅波

上漚胡爲滯此胷中愁聖賢清濁皆友儔九老前塵邈
難求七交高躅或可侔百年典刑今在不振起此風須
此流亭亭玉立郡督郵文采秀發中甚道絳帳先生兩
清修和音相答鳴琳球靖居之孫髯而修昂藏野鶴橫
高秋林生風度和且柔抗論直欲輕王侯河南遊刃無
全牛弟兄傳家才術優老成不堪冠屨囚人憐拙甚營
巢鳩羈窮動輒遭冠讐但欲縮首眠黃紬何意獨蒙公
等收歡然一笑回青眸空囊未分一錢羞典衣猶得事
勸酬南州竹樹相庇庥步隨流水尋清幽尚嫌白日多

忠正德文集

卷五

七

喧啾少待月出東南陬黃梅一株香颺颺青蘋浮水涵
春洲那知落雪紛滿頭但覺香露沾衣裘一醜百罰寧
論籌嗚嗚自作秦人謳快談慨慷雜嘲咻凜如武庫森
戈矛天地萬物窮雕鏤往往出語夸何劉却視萬物皆
蚍蜉便擬騎鯨跨九州誰能疊麩築糟邱所願酒泉生
酒甌此生痛飲無罷休

次韻退翁遊北山之什

孤雲天末山數峯峯頭隱隱銜烏龍遙臨北嶺望故國
行歌負販舟車通時當高秋雨霜後木葉紛亂號悲風

聲華一夢水流去名跡千古山爭穹津橋烟草闕雙峙
馳道莓苔門九重鳴鑿颺馭杳何許蓬萊頂上雲濛濛
徒驚朝市屢更變遑問邱壠多英雄鼎湖龍去自不返
非烟長鎖琉璃宮當年眞聖受天命香生茵苔祥光紅
宮前父老尚能說願瞻遺宇悲涕中橋山松柏闕弓劒
有時寶氣飛長虹今皇紹述更神武回眸一視雲煙空
請封章疏幾時上振蹕行聞來自東功成亦念荆基業
從此不復言兵戎我生多難傷睽離茫然却顧當何歸
伏轅不作馬思奮塌翼應憐鳥倦飛臨風且共一盃酒
忠正德文集 卷五 三

雪中獨坐退翁索詩

東風解放狂花飛何乃尚容寒作威了無賓客共攜酒
更有人家來索詩天高雲漏不遮月皎潔上下同澄輝
亭前有樹高百尺爲借驚鳥安一枝

戊申正月行在叅吏部示諸劾

秋風鼓棹長蘆渡吾與若曹俱豁然脫跡干戈玩清絕
收身溝壑厭肥鮮折腰爲米豈所願賣劒買牛端可賢
韓公雅欲却窮鬼趙壹其如無一錢罷官清坐乃吾分

號寒啼餓誰汝憐政緣茲事藉升斗使我不得休林泉
日下揚州行在所寸長片善希陶甄汗衣塵帽門戶底
包羞忍恥王公前此行寧復作此態疇昔相知吏部銓
謹嚴資格可馴致雖甚不才無棄捐我已投誠永結好
相從綠髮至華顛矧復鴛鴦滿臺閣功名合在中興年
縮頭袖手正應爾敢問祖生先著鞭

京師次韻邵澤民憶擬江梅花

憶並條山訪雲屋渡水涼飈散芬馥一枝璀璨端可人
步遠微吟措病目作意題詩向我夸只今窗戶知誰家
忠正文集 卷五 十四
伶俜瘦馬京塵惡障面羞看檐上花

役所寒食卽事

疲民正苦淘泥沙彼何人兮怒且譁兪狂不肯道姓字
呼前醉態猶欹斜自言寒食身無事快意欲嚼遑恤他
羈愁我自感節物遣去不問徒咨嗟

余去秋七月登舟逮此一年矣六月晦日午睡覺
聞兒女輩相謂曰明朝又是秋風起推枕悵然走

筆記之

流萍斷梗飛花委四海茫然無定止古今本是一郵傳

況乃其中悲轉徒秦淮霜葉亂楓林蒼雲春風泛蘋芷
薄酒時時伴兒女疎篷處處愁烟水故鄉知是幾長亭
眼暗相望越千里悵念征鴻一紙書明朝江上秋風起
泊桐廬縣合江亭下昔有得道之士不知姓名結
廬廬山間手植桐數本因謂之桐君縣亦以此得名
是日
雨

桐廬縣前江合流合江亭下多客舟紅樓叅差出木末
小市宛轉依巖陬桐君手植碧桐樹歲歲春風柯葉柔
白雲一去鳳不至暮雨零丁生客愁

忠正德文集

卷五

五

舟中呈耿元直

念昔一笑相逢初我時尚少君壯夫十年再見輦轂下
我鬢爛斑君白鬚落魄朋遊嗟我在艱難兵火與君俱
酬恩未擬填溝壑強顏忍復陪簪裾浩然胡不徑投劾
老矣難堪歸荷鋤田園墳壠亂戎馬是身是處長羈孤
解維汴岸一篙水小舟漂兀如鷺鳧對床推枕坐歎息
此行未肯悲窮途胸中炯炯時一吐與生俱坐寧籛除
只今雲臺羅俊彥鄙賤老醜憎樸疎躍馬食肉付公等
浮家泛宅眞吾徒與君轉柂從此逝秋風萬里吹江湖

閱陶集偶有所感

彭澤縣令八十日束帶恥爲升斗污二十四考中書令
端委廟堂揮不去兩公於此固無心鍾鼎山林隨所寓
慎勿蹉跎兩失之歲晚要尋栖息處

謝人惠麥穗

愚軒臥病空瓶儲市米不得如求珠鄰翁餽麥穗盈筥
或揉或簸喧庭除磨雷隱隱破霜瓣家童執爨烟生廚
須臾粥成勸我食齊眉舉案煩妻孥病餘聊復潤喉吻
軟滑盈盈如膏酥宛然長粳欲爭長加以白豆爲參與
忠正德文集 卷五 六

五言律詩

五排附

車駕還汴

孝感天心格憂勤國步艱賈生休賦鵬貢禹欲彈冠白
髮他鄉容清尊此夕權如聞京兆尹拜表請回鑾

圍城次退翁韻

甲馬分諸道舟車會此都前王端有意異世肯同途人

物風流盡公私府庫虛百年餘故老相遇涕漣如
將歸先寄諸幼
擾擾干戈地懸懸父子情人間正多故身外復何營我
已忘官寵兒須辦力耕歸來休歇處團坐話無生

還家示諸幼

避地重遭亂還家幸再生一身今見汝寸祿敢留情更
恐死生隔渾疑夢寐驚吾今猶有愧未遂鹿門耕

還家

但切思家念那知行路難盃盤母作具菽水自加餐竹

忠正德文集

卷五

七

老風聲勁山深夜氣寒肯教孤枕夢容易到長安

馬靖國後軒

性靜交遊少身閒日月長忘言千句偈宴坐一爐香世
有流離苦人趨聲利場此間亦何事高臥傲羲皇

蒲中次韻提舉趙正之秦亭唱和五首

雲端貝闕見鼇負海山來瑞氣元非霧天風不染埃頌
常八柱建象魏五門開肯構經營念貽謀丕顯哉
丁丁谷應響泛泛棹歌來淨港時吹浪中流或起埃亦
知從地出幾若鑿山開帝室須梁棟斯功當念哉

隴樹迎人去，關雲逐馬來。淒風搖白草，落日蔽黃埃。仗
節身方遠，逢山眼暫開。却臨分水處，蜀道賦高哉。
要作哦詩伴，何妨結駟來。瓊林有餘韻，水檻絕纖埃。醉
膽江山闊，吟毫花草開。只應聞鴈夜，夢枕思悠哉。
追隨六郡子，深入塞雲來。關路春飛雪，沙場夜漲埃。戲
圍千騎獵，笑挽六鈞開。歷歷經遊處，初心已矣哉。

再到蒲中遊穆氏園

懷感花無數，其時春正深。如今重對酒，感舊獨傷心。山
鳥那知此，向人猶好音。東城多樂事，疇昔共幽尋。

忠正德文集

卷五

六

贈善照監院

陝人也

飄泊嗟何往，歸來恨莫從。師猶作秦語，我已效吳儂。水
淺長河浪，山低太華峯。幾時攜手去，南北本同宗。

六合縣相僧

門外江南道，蕭然誰與同。禪心達生死，道眼識窮通。聊
爲機緣起，懸知色相空。有人真勇退，不到急流中。

中秋呈元長

江上中秋月，天邊白髮翁。一輪還自滿，千里共誰同。擾
擾干戈後，栖栖羈旅中。持杯那復問，一釭百分空。

誰作清光伴蕭然屬兩翁他鄉多病後竟夕一樽同孤
杵征衣淚寒沙戰角風何由遂心賞幽思渺秋空

中秋醉後

顧影不成舞披襟欲御風人憐經歲別月與舊時同鶴
警露華白魚潛水鑑空舉盃還徑醉歸夢廣寒宮

九日置酒坐上呈元長

未厭山林僻那知節序遷高閒愛重九安健又今年物
外無韉鎖樽中有聖賢黃花自衰晚勿復笑華顛

毗陵道中

忠正德文集

卷五

九

烟水毗陵道光涵落月空夢魂塵壒外眼界畫圖中舟
漾安期鯉帆飛禦寇風鑑湖如可乞歸老浙江東

登蘭溪亭

帆落溪風轉山明霧雨收登臨本乘興愴恍却生愁獨
鴈竟安往潛魚不可求何年定歸計復此過扁舟

左馮翊寄東鎮張致一兼簡聞喜親舊

一官馮翊郡爲況定如何水似古桐苦風如東鎮多幽
心迷簿領斷夢阻關河賴有清樽酒時時一醉歌

次韻富季申寄示

相期念疇昔道在敢憂貧分手便千里論心復幾人微
詞動招謗爛醉可藏身第恐先求舊黃麻起世臣

詞間次韻富季申雪中卽事時聞北兵內侵京師戒嚴

二首

東風花萬點落我酒盃間欲和郢中曲先頽坐上山威
稜徒料峭生意自爛斑誰是淮西將提兵夜斬關
無才居客右孤坐一窗間夢到廣寒殿人來姑射山舞
低明佩冷粧罷落花斑便欲凌風去天門隔九關

二見後數日雪再作

忠正德文集

卷五

三

三見江南白端來伴酒樽作寒催歲暮流潤壓冬溫雲
臥山容濕天低水氣昏東風猶有信昨夜到前村

發杭州有訝太遽者

未著絕交論但歌招隱詩人間審如此身外復奚疑喪
亂物情薄奔馳智力疲溪山有佳處投老更何之

東軒卽事二首

投閒非避世導引學修真物外元無事壺中別有春水
聲清夢寢山色上衣巾已矣將安往鄉關渺戰塵

原憲貧非病淵明懶是真詩留百年債酒占四時春泉

石高涼地祠官自在身叨蒙有如此何以効涓塵

感風聞有長沙之命

命猶火燄草木益華辭韓高恩會計

安土無南北論情皆弟兄休尋卓菴處要便打包行萍
跡雖無定葵心終有傾相望得安健有使卽傳聲

泊小金山覺渡寺僧言建德知縣桐廬知縣婺州

春草教授皆被召登我員意及嘗賦

敢歎邊氛熾合聞公道開中原非世事南國自人材朱
履羞彈鋏黃金謾築臺天涯轉蓬恨何地賦歸來上犬

盡登登舟示邢子友自悲水和弟第四賦盡德無風

忠正德文集 卷五

三

盡室嗟何往窮年浪自悲才疎身潦倒地遠跡孤危風
雨江南岸豺狼天一涯畏途端可憫薄宦竟奚爲已失
田園計難忘升斗資毋煩俗子問有愧達人嗤病馬思
春草驚烏遶夜枝登舟一長歎此意只君知

聞郭瑾懷甫除郎開封

司倉長歸賦盡德無風

至治本無爲何曾帝力知人惟求俊彥天畀濟艱危鼎
席尊黃髮星郎用白眉鋒芒森武庫律呂奏咸池海內
想風采朝中增羽儀餘光被草木盛事播聲詩感會惟
千載飛騰各一時著鞭今更懶投劾去奚疑亦有乘軒

戀其如續脛悲銜蘆聊避弋遶樹未安枝念舊多生死
思鄉久別離自餘復何道湖海是歸期

七言律詩

七排
附

秋試鎖宿府學

悄無人語到高堂爽氣侵凌枕簟涼木葉影風秋瑟瑟
簷花流雨夜浪浪燈明疎幔孤光暗蛩咽空堦怨緒長
心願無期清夢斷一爐沈水自焚香

登第示同年

氤氳和氣鳳城春正是英豪得志辰雨露九重均造化

忠正德文集

卷五

三

丹青千字富經綸古來將相皆由此今見詩書不悞人
何處寒鄉少年子綠袍歸拜北堂親

守官長道之岷南過馬務寨示知寨石殿直

夜闌不鎖戍無兵負販行歌樂太平綠野牛羊新牧地
頽垣烟草古邊城山川自昔留形勢基業今誰問戰爭
隴上少年多意氣彎弓徒自詫功名

酬贈黃倅

翰墨文章妙若神風流談笑絕纖塵才華最盛東西蜀
聞望相高一二人清奪裘眉千歲雪麗如錦水萬花春

我生不識東坡老，猶及頤庵見後身。
馮翊次韻邵子文寄贈之什

三見西風洛水秋，歸心長共水悠悠。
扁舟未遂蓴鱸願，俗駕空貽猿鶴羞。
可見飄零疎酒盞，更慚落魄問朋遊。
回頭一笑君應會，薄有田園歸去休。

夜送客至馬鳴橋

滿眼塵埃懶據鞍，暫逢清景卽怡顏。
月明夜水平低岸，烟淡秋林倚半山。
隱退謾留他日計，居貧未放此身閒。
老來愧取移文誚，會整昏昏俗駕還。

忠正德文集 卷五

三

從軍滑臺

中原何自戰爭頻，帷幄奇謀妙若神。
沙漠宣威元有將，燕然勒頌不無人。
山川流恨荒涼地，桃李無言寂寞春。
炯炯孤懷竟何補，猶能狂飲吐車茵。

碌碌功名安用之，更堪心事巧相違。
祗緣叔夜此生懶，更悟淵明前日非。
客舍那知春色暮，東風但見柳花飛。
瀟湘亭下烟波好，送我如將短艇歸。

登廓軒用王穆之秀才韻

臨高懷遠悵夷猶，放目微吟竟日留。
一雁北來天杳杳

片帆東下水悠悠雲烟慘淡關河暮風雨淒涼觀閣秋
回首何因叫虞舜蒼陵山色向人愁

同河南留守王大賓
追臥東山自在身幡然猶肯爲斯民名高海宇推前輩
德冠朝中號偉人紫誥卽看還舊物黃扉終許秉鴻鈞
瑤池花有千年實更看東風幾度春

洛陽九日次韻縣尉

是日司馬文季西歸因以寄之

詩九卷八

誰遣孤標最晚芳寒蜂冷蝶尚能狂不禁消瘦西風緊
薄洗鉛華曉露香照影一樽聊作伴除茅三徑莫相忘
忠正德文集 卷五 五
他年載酒能來否相見悠然話更長

貧病侵尋不可寬行藏何事更憑欄兒曹不解市朝隱
我輩正宜文字歡客恨向來隨處有秋風待此着人寒
賓鴻旅燕元無定莫把黃花取次看

次韻縣尉

勞人州縣若爲情躋蹬窮途已半生愁滿西風雙鬢白
夢回中夜寸心驚每慚彭澤辭升斗終合吳門變姓名
且把黃花泛盃酒秋深蕭寺有餘清

縣丞呂若谷置酒異亭

涼風收雨斷晴霓漠漠青山白鷺飛竹樹蔽虧涵野色
樓臺滅沒淡煙霏凌波鳴珮杳何許駕鶴吹笙殊未歸
悵念夷猶淒望眼碧雲千里又斜暉
蘇閣中天草木靈
荒烟蔓草接平林景物蕭蕭秋意深冰闊山長人去遠
雲閑天淡烏飛沈宮前離黍他年恨關外西風別夜心
莫倚欄干重留客子山從此費悲吟

再用前韻

萬里高空卷素霓
徘徊幾點暮鴉飛
波平洛浦棹歌遠
風裊宮樓香霧霏
猿鶴山中應怨別
葦鱸秋後合思歸

忠正德文集

卷五

五

此間自有江淹賦不用桓伊恨落暉

一枝枝自寄深林何得飄然著意深塞上亦知無馬失
江邊誰問有舟沈煩君爛漫千鍾酒慰我登臨一寸心
醉後狂歌歌更切未應愁減越人吟

次韻張與之登巽亭

百年遺恨了難平只有南山不改青橋下流波秋渺渺
樓頭霏霧晚冥冥祥鍾福地衣冠盛氣潤中天草木靈
那得丹青繪縑素頰君妙語寫無形
霜洗殘秋暮吹驚長林蔓草斂餘青忘機獨鳥臨清淺

避弋孤鴻入杳冥老矣未成南畝計歸歟空愧北山靈
獨憐亭下蕭蕭柏能伴幽人槁木形
蘇林洛中次韻河南令王子與觀梅
桃李叢中獨立難自憐孤豔怯春寒微風只解分香去
流水猶能照影看冷落霓衣慵按舞爛斑粧粉未勝冠
留蓮芳酒無嫌晚要與涼蟾共倚欄
天土定海路中觀梅
傅粉生香作意開柔情似欲挽人回猶憐行役忽忽去
不是尋芳得得來姑射山頭若冰雪謝家林下絕塵埃

忠正德文集

卷五

美

空江月落東風冷誰並孤舟一笛哀

建隆寺詩

天上旌旗照海隅規模想像百年餘雷霆號令推神筆
龍虎風雲識識書顧盼八方平僭亂謳歌幾世樂耕鋤
他時誰唱紛更術不念艱難樹立初
蘇率紅門掃役所觀河應禮劫春寒嫩風其織衣香去
砥柱西傾朔野寬魚龍掀舞去漫漫潤蒸霖霧一川暗
怒激驚風千里寒九折勢須回故道三山天爲障狂瀾
尋源不作乘槎計滄海他年一釣竿

役所寒食晚歸

永巷疎林棲鳥還幽花蔓草慘荒煙悄無人語寒食後
時有兩點黃昏前孤坐何從得言笑一樽不復論聖賢
酒酣縮首絮衾底屋頭浩浩南風顛

之官開封泛洛東下先寄京師故舊

滄波東下武牢關物色人情共慘然草檄舊傳驃騎府
浮家今在孝廉船向來戎馬知何補老去江湖定有緣
無限青雲著鞭處固應分付祖生先

暮春

忠正德文集

卷五

七

花開花謝總無心轉首薰風綠滿林人事不隨春事了
眼雲空與暮雲深錦鳩呼婦商量雨白蟻排兵做弄陰
除却牆頭老山色更無佳客肯相尋

和元長暮春

坐歎空山落景催幾時江上葉舟回初無妙術留春住
強覓餘歡傍酒來體力寒多便故絮齒牙衰甚怯新梅
秦川洛水繁華事白首天邊共此盃

別張德遠詩

殘蟬衰柳伴牢愁把酒悲歌汴水秋契闊死生俱淚下

功名富貴此心休，殺雞爲黍思前約。問舍求田愧本謀，又向春風話離別。此生生計日悠悠。

清涼寺

數疊小山松桂幽，能令盛暑作涼秋。故宮於此有遺跡，客子暫來生許愁。萬頃雲波朝古堞，一蓑寒雨送扁舟。他年圖畫歸攜取，要使北人清兩眸。

將發泗上

客裏尋歡豈易謀，牢歌誰與散幽憂。可憐僮父雙蓬鬢，長寄吳儂一葉舟。陶令早知今日是，庾郎能賦此生愁。殘年流蕩歸無處，蘭芷瀟瀟江上秋。

忠正德文集

卷五

五

至宿聞陸昭中病牴

偉幹亭亭歎轍鱗，敝裘破帽厭京塵。一官恥作兒女態，扁舟去卜漁樵鄰。他鄉未辦餽粥計，何物更能寒熱人。努力扶持飽吃飯，秋風江上正鱸葦。

示陸昭中

執耒田園正所圖，無心重整少時書。功名常苦歸難必，拙直懸知退有餘。避謗杜門賓客絕，病痰妨飲酒盃疎。平生剛笑孔文舉，老我年來百不如。

六月十三日書呈元長
心遠由來絕世紛更尋邱壑避囂塵門闌已覺貧無事
賓客應憐老畏人詩不名家免招謗酒雖作病要全身
香山千載流風在雞黍他年早卜鄰
虛懷無地著纖塵獨鶴孤雲寄此身琴發清彈廬阜月
詩探妙意武林春少陵深契贊公語惠遠能知陶令真
擾擾今誰同此趣容車山下兩賢人

夜坐

忠正德文集

卷五

五

寺樓鐘斷鎖長廊誰共蕭齋一炷香書冊自能留久坐
燈花還解勸餘觴風回絕壑沈虛籟雨入幽林送嫩涼
老懶由來貪睡美秋衾不怕夜初長

泊真州聞外詩

南來繫纜楚江臯孤客羈心正鬱陶海氣連空山色暗
秋陰覆地水風高屋頭冰雹敲寒雨枕底春雷簸怒濤
一點青燈雙白鬢可無樽酒伴離騷
過高郵飲張才甫家作詩爲別

短棹人誰識姓名相逢況是十年兄江關契闊秋來恨

兵火流離別後情高論看君揮塵柄雄圖憐我付楸枰
酒闌月落孤舟起便是江湖萬里行

憑陵風雪不相貸逋客向來生事寒京國回頭九關隔
江湖弔影一身單著鞭意氣初非淺唾手功名不作難
老矣收心定何許蓴鱸聊餽腐儒餐

歲晏感懷

欲雪濃雲凍不收淒寒偏著敝貂裘容愁有許要排逐
歲事無多難挽留疇昔謾懷三徑約飄零聊用一樽酬

卷五

三

卽看瑤草光風轉作意湖山汗漫遊

掃蕩邊氛漸有期此生已復歎差池眼中種種無聊賴
身外悠悠徒爾爲彭澤歸來那得酒少陵窮甚但哦詩
卑棲儻遂桑榆晚敢並駕鴻接羽儀

臥病一首

己酉
正初

此生已復外升沈出處由來著意深拙甚但知閒可樂
災餘猶有病相尋貧難調護漳濱臥老自消除魏闕心
莊烏鍾儀各懷土吳兒莫笑作秦音

次韻子蒼諸公韻

亂來那復較升沈，愁極仍嗟病骨侵。
雙袖龍鍾羈客淚，一樽傾倒故人心。
沙寒獨鴈難求侶，山近浮雲易作陰。
落軫斷絃非衆聽，暮年淮海歎知音。

再用前韻示范六

舉目山河往恨沈，吳霜一點鬢毛侵。
飄零顧我非前日，慷慨惟君識此心。
香散藥畦花漫漫，波侵蝶沼竹陰陰。
平生載酒論文地，鴻鴈歸來問信音。

將至三衢楊村道中小飲

衢江波上半帆風，散髮篷窗笑傲中。
晚境但深耽酒癖，忠正德文集

卷五

三

窮途猶愧作詩工，天邊隴阪三秦阻。
海上山川百越通，得盡餘齡安一飽。
此身何敢較西東。

長沙倅劉元舉寄示叅議伯山酬唱之什因亦次

韻二首

揮毫曾看妙如神，傾瀉明珠百斛珍。
疇昔笑談知寡和，後來風度絕無人。
應憐老矣紆朱紱，早約歸歟岸角巾。
明鏡未須羞鬢髮，一樽相與永青春。

秋風澤國正蘆葦，歸意長隨陸海珍。
簿領窮年迷舊學，瘡痍千里愧斯人。
袖中本是釣竿手，頭上無非漉酒巾。

節物驚心勞夢寐，衢江西岸小梅春。

送張京與之宰解縣

憶嘗從事舜蒲州，把酒論文並俊遊。
千古關河增義氣，一時人物最風流。
飄零無復相從樂，潦倒難堪送別愁。
爲我去尋山下路，疎雲流水五峯秋。

得蜀信

雲水關山恨渺茫，尺書能慰九回腸。
劒南親舊知安健，陝右兵民亦奮揚。
契闊十年悲故國，飄零百指滯殊鄉。
何由結伴春風暖，也向襄陽下洛陽。

忠正德文集

卷五

三

寒食日書事

江海飄零幾送春，飛蓬無地寄孤根。
夢回南浦入千里，醉倚東風酒一樽。
可是今年暗寒食，不堪多病怯黃昏。
兒童自趁秋千約，花落空庭獨掩門。

清明詩

鄉書難附北歸雲，燕子猶尋舊主人。
流水迢迢長念遠，飛花糝糝又傷春。
向來軒冕非吾意，何處園林託此身。
只有長歌一樽酒，暮年風味最情親。

和元長書懷二首

神靈久憤敵塵侵界付經營借寸陰聞道倒戈回易水
行看休戰牧桃林寧論少壯非前日及見升平亦本心
亂後親朋無恙否試憑北鴈寄歸音
孤懷詎勝百憂侵息影由來貴處陰志謝長嘶走千里
身如倦翼返深林雲山處處明雙目樽酒時時洗寸心
更賴清詩爲陶寫朱絃流水歎遺音

晚風定放小舟江心

蕩漾扁舟入渺瀰一夫搖櫓疾如飛涵空鑑影月光淡
襯地羅紋風力微未擬然犀窮水府猶能酌酒勸江妃

忠正德文集

卷五

三

眼中清絕非人世定使魯連何許歸

同苗秀才楊山人登舟

本無籌策堪人用盍掛衣冠遂物情官職向來滋味薄
于戈經此夢魂驚君猶極口談經義我已無心卜死生
何必吳門變名字烟江萬里葉舟輕

靖安道中見梅

塵容俗狀早知非脫迹歸來喜復悲隴上人遙千萬里
江邊花發兩三枝兵戈阻絕書難到雪霰飄零鴈去遲
歧馬東風一回首落英還與淚紛披

又泊蘭溪亭

孤帆薄暮轉清溪空翠回環望眼迷夢想莫知家遠近
羈遊將遍浙東西歸來分合投閒散老去情猶惜解攜
明月深林有烏鵲悲鳴未許一枝棲

發四明奔昌國用韓叔夏韻呈覺民叅政

曉掛危檣兩席開孤城西望幾時回飄搖一舸隨潮去
彷彿三山入眼來身世從今寄雲海親朋何在渺風埃
乘桴肆志吾安敢就戮鯨鯢亦快哉

過石佛洋

忠正德文集

卷五

五

鳴鏜疊鼓兩山傍曉泛回潮石佛洋漠漠東風吹瘴霧
瞳瞳暖日上扶桑如聞鶴馭來空濶知有神洲在渺茫
何必山林啗靈藥他年鼓枻訪東皇

憂旣歸黃岡遂脫此責作詩示同舍

經年薪水困行朝一日歸來百念消泱泱溪流鳴枕下
丁丁谷響應山椒小安課伐猶多事無復移居莫見招
老矣羞爲吳市隱買田從此混漁樵

丁未冬同陸昭中渡江泊秦淮稅亭之側癸丑三

月自建康移守南昌登舟願覽卽昔年繫纜之所
也時昭中亡矣感歎存歿作詩寄黃岡親舊

江湖南北寄飛蓬歎息流光俯仰中千里月明人念遠
一年春事水流東驚心存沒風花轉閱世悲歡夢境空
欲寄此情那可盡相逢惟有一樽同

次張真君韻

聞君結屋臨山礪多種黃精與紫芝雲氣每占華蓋頂
松陰長護玉津池溪流盤轉近百里山色清虛無一姿
傳得仙人新句法封題遙寄五言詩

忠正德文集

卷五

三

中秋夜清坐讀歐陽公正統論二首

稍覺清涼換縠衣獨憐衰鬢與秋期清樽浪作經年計
黃卷長懷萬古悲蛩咽幽吟愁露草鵲翻寒影遶風枝
此生此念能忘否夢破蒼龍西去時

露濯秋空灑氣生沈沈天宇夜空明南樓老子興不淺
赤壁先生夢更清小艇凝詩銀漢路哀砧還起玉關情
何心把酒論歡賞細字文書對短檠

九日晚坐獨酌一杯

木落江城風露寒坐驚芳歲逼彫殘晚來自愛一杯暖

老去元無九日歡擬借靈均蘭作佩尚餘陶令菊堪餐
平生徧插茱萸處短夢悠悠行路難

泊舟鹽橋兒子洙輒於市買厯尾題云客裏其如

日費多因取筆足成一詩

踏蹬生涯一釣蓑東西淮海信濤波亂來益覺人情薄
客裏其如日費多麟閣壯圖今老矣菟裘歸計奈貧何
越吟楚奏那能已時倚哀彈拍棹歌

雪中與洙輩飲

朝市邱園定孰優要將閒適換深憂門闌終日斷還往

忠正德文集

卷五

美

父子一樽相勸酬雲鎖山林寒悄悄風吹雪霰暮悠悠
醉餘身世知何許莫向東陵覓故侯

大雪連日不已

白日愁陰慘不開驚風和雪振窮埃百年未省南州見
千里應隨北客來塞馬曉悲沙上月隴人遙恨笛中梅
獨憐寸草滋榮意知道春從斗柄迴

雪晴東軒獨坐

雲山同合翠重重不放幽人遠目窮高竹有時摧凍雪
饑禽竟日咽悲風悠悠事與本謀異擾擾人誰此意同

却坐蒲團聊袖手更無一語可書空

平澗過石門洋

平生戎馬踏塵埃晚看滄波眼漸開眩轉忽從千仞落

低昂時見一山來風頭浙瀝吹成雨枕底鏗轟怒作雷

雅欲騎鯨傲人世吾其于此賦歸哉

豐中丙子夏病臥汗後

按鼎卒于紹興十七年丁卯逆湖丙子則年纔十二歲不應有

殘生兒女之語疑是紹興十四年甲子之誤

枯腸得水若通靈溟汗周身一雨零行客筋骸困方歇

醉人心骨喚初醒病蟬移夢入新殼老鶴息神梳舊翎

忠正德文集

卷五

七

乞得殘生對兒女不愁無粟貯陶甌

河中太守

掄材梁棟定誰須聳拔長松第一株令聞允爲時屬望

豐功當在帝都俞將令異日作霖雨暫使斯民歌袴襦

播物仁風隨扇發向人和氣與春舒請看巖巖諸郎秀

是應詵詵盛德符廣陌乘黃將驥子丹山威鳳帶鷓鴣

聲名最重連城寶文采先騰照夜珠賈誼著書驚一世

平津射策冠諸儒傳經固自卑劉向遺直猶資見魏驀

便向萱堂生月桂更尋雲路種星榆人從碧海偷桃實

客自朱門墜鳥鳧性靜綠龜宜作伴身輕靈壽不須扶
金波滿泛鵝兒酒香霧爭持鵲尾爐要識東人念公意
巖廊千載贊昌圖

忠正德文集

卷五

五

賜進士出身四川北兵備道加三級前翰林院編修 吳傑恭刊

蘇州千蓮贊昌圖

金波滿泛鵝兒酒香霧爭持鵲尾爐要識東人念公意

客自朱門墜鳥鳧性靜綠龜宜作伴身輕靈壽不須扶



忠正德文集卷六

宋趙鼎撰

七言絕句

聽琴次退翁韻

夢尋仙子訪瀛洲，怨入春泉遶指流。
酒病著人無物解，更煩一鼓爲扶頭。

正月十八日枕上

空籠疎幔曉寒清，小醉醒然不作醒。
欹枕誰能尋斷夢，臥聞童子誦經聲。

忠正德文集卷六

山中書事

心遠身閒眼界清，瀟然回首萬緣輕。
更將滿耳是非語，換作松風溪水聲。

山中居次韻止老

衣巾翠濕陰陰竹，屐齒寒生步步雲。
莫向清流還洗耳，世間言語不曾聞。

再用花字韻示止老二首

靈厖夜吠千年木，丹鼎光騰九轉砂。
鶴馭雲駟竟何許，巖前老盡碧桃花。

尊師杳隔蓬萊水煉藥長懷勾漏砂聞道高人猶笑此
春風無處不開花

郊野次韻止老見贈米商儉白綠酒水火交關
誰是繙經清淨侶毋煩杖屨過前溪不如多置葫蘆酒
直使淵明醉後歸

蘇無老媪折山櫻一枝觀其開落
坐看餘香作雪飛春風猶戀折來枝何如就賞芳叢下
畱到丹丸結實時

山林有送生鳩者放之使去

忠正文集

卷六

二

山林是處有依棲及此秋晴喚婦歸隨分謀生何厭拙
莫因飲啄傷人飛

登第西歸過甘羅廟題詩壁間
初無勳德在生靈徒以遊談致上卿血食官祠尚千載
男兒要自勉功名

龍泉宿宣化鎮僧寺

收罨漁浦青裙女出米商船白紵郎水火交關江上市

空山落日暮烟蒼

齋廚冷落山頭寺人物蕭條水上村幾葉商船泊清淺

一星漁火照黃昏
蒲中雜詠

安民堂
富貴何如不
蕭梁文舉平生一
愷悌頽條坐嘯餘
自書下考拙催租
編民不解歌襦袴
鑿井耕田一事無

玉塵逍遙岸
葛巾鸞釵寶瑟奉
清樽寄聲與問鷓
行舊何似栖栖金
馬門

忠正德文集
卷六
三

蕭生雅意定何哉
何復畱情任剗裁
但把一杯無事酒
幕中年少盡長才

堂上新音錫燕開
坐收和氣入樽罍
已應倦聽漁陽參
客右不無鸚鵡才

玉山頽倒莫來扶
富貴功名不讓渠
文舉平生一樽酒
苦逢兒輩議才疎

紅雲閣

香風百步錦江秋片斷明霞晚不收幕府諸郎總清麗
一樽相與最風流

蕭然一名闔堂志與頌謝青發嫩香信出西州羊羹口
有美東吳勝事繁醉翁遺恨阻躋攀只應名閩山河秀

亦在先生几案間

公嘗除知河中不到名
闔有美皆以賜詩得名

辛苦倉道遙樓書一主命笑我爾何當愚士鬪三只

元龍高興絕塵寰笑傲乾坤眼界寬斥鷃鷓鴣俱定分
行藏何用倚欄干

白樓

府城

忠正德文集

卷六

四

寸斷吟腸奈此何臨高懷遠足悲歌若教盡寫淒涼意
東閣郎君語更多

文瑞堂

粹聽繪韓退之柳子厚詞
馬子長文中子四人像

辛苦魚蟲老著書一生冷淡笑迂儒何當馬上提三尺

去作凌烟大丈夫

韻言美者以韻精詩各
音韻時兩中不惟各

建安堂

以茶

蕭然一枕北窗涼喚取樵青發嫩香淨洗西州羊炙日

要看妙語落冰霜

香風百必種軒

此君風度固蕭然誰解招邀到此軒要識維摩眞面目
支離瘦骨寂無言

一荷卧河山閣

提刑司

草堂對險甲空爭輝百平無數間

干戈險阻恃河關禍亂相尋一轉九千載太平歸有道
牂牁青海盡衣冠

平儼種學軒

學軒

詩書千畝浩從橫早歲勤勞費筆耕純袴儒冠定誰飽
年年妻子笑謀生

精思軒

精思軒

忠正德文集

卷六

五

窮年兀兀究遺編聖處工夫也自賢政苦齏鹽食不足
諸生毋謂腹便便

竹軒

行香院府官
多燕集於此

笙簫聲斷一盃殘翠袖雲鬟共倚欄要藉餘陰清晚醉
酸寒莫作子猷看

北閣

南衙寺前有周太祖劒甲陵破李守正
時世宗駐軍於此故謂之南衙北閣

一時想見萬夫雄蔓草荒陵劒甲空爭戰百年無處問

高城絃管正春風

鶴雀樓

鶴雀樓

目斷河梁有許愁人生離合最悠悠遙憐別意登臨愁
不減清秋燕子樓

披風亭

飛步臨風亦快哉雌雄何苦賦蘭臺只憑一弄漁舟笛
喚得涼颺渡水來

訂齋

河上張芸叟命名如舟之下可也

長波浩渺拍青山細雨篷窗一覺眠但向急流能暫止
從他蛟鱷怒垂涎

臨川亭

河上

忠正德文集

卷六

六

卷落銀潢天漢涯坐觀河伯勢雄誇游人不識支機石
擬向津梁問客槎

河西亭

波光山色雨溟濛粉雉紅樓杳靄中自是人間佳麗地
不須尋訪水晶宮

行慶關

振蹕鳴鸞萬馬環悲歌應鄙漢樓船關頭老吏親曾見
千丈榮光夜屬天

鐵佛寺

寶山閣

波面香風落磬聲夕陽樓殿更分明蓬萊弱水端難到
聊與人閒作化城

李園

城南李武臣累典邊郡有伎人爲人所誘而去

射虎將軍竟不侯脫身鋒鏑老菟裘柳枝折盡東風晚
閒對醅釀一醉休

淙玉亭

亭在栖巖寺

跳珠濺雪滿空巖疏滌心靈爽氣嚴彷彿瑤臺月下
佩環聲在水晶簾

逍遙亭

忠正德文集

卷六

七

鬱鬱亭前三四松蒼髯疑是採芝翁歸歟莫作終南臥
無限英雄落穀中

此君亭

萬固寺

飄零誰復問平安只得幽人冷眼看流水空山雲暮合
此君無乃太清寒

御波亭

冷然我欲御波行身世由來水上萍好笑安期空狡獪
猶須赤鯉渡滄溟

王母觀

月下何人唱步虛如聞仙子好樓居五雲縹緲星河闊
腸斷青鸞一紙書

面山堂

普救寺面山堂郡人劉氏功德院也劉多將帥

老去收身百戰場厭聞鼓吹奏西涼憑君剩把珠簾卷
要與青山共此觴

涵虛閣

鵲飛喬樹月臨波彷彿天孫擲夜梭卷盡纖雲風不動

卻從直下看星河

南軒

南禪寺桂娘墓在其側

忠正德文集

卷六

八

璧玉沈沈過女牆時聞桂子落天香三山碧海無消息
雙燕歸飛秋草荒

泣露低烟擬怨誰

淒然亦自惜餘姿無人爲買蒲城酒

正是柔桑葉落時

桑落酒蒲中故事也

和通守王元美二絕句

斷無車馬訪閒曹背暖兒童罷抑搔嘆息深林有蘭蕙

誰能收拾賦離騷

志士由來惜寸陰青銅那覺二毛侵畱連春色一樽酒

未必東風識此心

和倅車韻

斯文天意屬吾曹
技癢何由一快搔
莫撫斷絃思鳳髓
如公便可埒風騷
高標聊復寄塵凡
此意難從俗子談
爛醉狂吟公勿怪
公猶如此我何堪

真山解池役所大風

初從蘋末轉飄搖
回薄山林勢益豪
好笑隄邊膚寸水
便能平地作波濤

忠正德文集

卷六

九

解梁別李氏女子晚宿靜林寺

滿眼西風怨別離
路逢蕭寺叩柴扉
團欒一聽無生話
更覺前謀種種非

山下人家雞黍時
解鞍那暇拂塵衣
宦遊無冗田園薄
自問此生何以歸
森森竹樹晚生寒
病怯秋衾夢易闌
欲駕征鞍慵未起
臥聽魚鼓吼空山

客舍重九

半月征衫困路塵
一樽芳酒謾情親
心知不是陶彭澤

只恐黃花解笑人

揚州竹西亭

路入揚州秋草殘竹西亭上曲欄干而今那復聞歌吹

黃葉西風薄暮寒

錦纜牙檣一夢愁行人空繫木蘭舟玉簫吹斷青樓鎖

二十四橋風月秋

大明水

咫尺城中膏火煎空山竹柏固蒼然贈君盃酌清心骨

此是人間第一泉

忠正德文集

卷六

十

江晚渡

木落空江淡夕霏疎篷一葉並漁磯秋風幾許蓴鱸興

亦欲臨流喚渡歸

雨夜不寐

西風吹雨夜瀟瀟冷燼殘香共寂寥要作秋香篷底睡

正宜窗外有芭蕉

泊秦淮雪中一絕

不知門外月波寒但覺樽前酒量寬向道東風莫吹去

暫教楚客作花看

營邱圖畫展霜綃眩轉寒光鑑影搖更待東風開夜色
月明洛水斷冰消
纖柔醉撚小梅花顧影嬌春玉鳳斜不覺窗前三尺雪
夜風萬里卷龍沙

章臺走馬最多情不怕春衫撲粉英
半夜歸來寒夢短
瀟瀟臥聽打窗聲

筆頭造化渺無邊聞道春來思湧泉
定向山臺得佳句
濕雲殘雪冷侵天

忠正文集

卷六

十一

阻風回舟泊新河口飲李氏酒肆後軒

西風吹面浪如山卻並寒沙夜繫船
兩日不能離故處
人閒岐路敢爭先

八節愁聞上水灘江流東下許艱難
青帘招我非無意
端爲疎篷夜枕寒

滿眼豺狼兵火餘我今那暇哭窮途
青鞋踏雪江南岸
試覓黃公舊酒壚

泊柴家灣風物宛如北上
雨過平田壘麥青春深桑柘暖煙生
恍如身在瀾河曲

腸斷東風杜宇聲

三衢多碧軒

平生愛山心不足寸碧已復明
雙眸暮年得此幽棲地
枕上烟嵐萬疊秋

將至常山先寄諸幼

經年遊宦嘆離羣相見提攜數候門
一笑相着卽無事
徑須歸辦酒盈樽

送張京與之宰解縣

條山涑水是吾家君去重開滿縣花
邂逅故人相借問

忠正德文集

卷六

十一

爲言秋鬢點霜華

長隄百里並山回漫漫滄波鑑影開
要看天工種明玉
請君少待盪風來

棲遲出處畧相同握手論情一笑逢
便作他年林下約

一樽相對兩衰翁

次明仲韻

曾謁祥曦羽蓋黃天衣紛擾御爐香
蒙塵草莽干戈隔
坐看濃雲蔽日光

浩浩顛風塵四合漫漫后土水平流
無人舉手披雲霧

卻放晴曦照九州
塵沙渺渺暗城樓
心切堯雲淚欲流
慷慨一卮戲下酒
諸郎誰是舞陽侯
空後感懷蘇州
金亭下
更堪詩思攪饑腸
四海茫茫擾戰塵
豈無賢俊共經綸
可憐僖父今頭白
也作江南第二人

也作江南第二人

忠正德文集

卷六

三

武林歸棹幾重山
回首滄波鎖暮烟
一寸愁生千萬斛
可能容易付湘絃

東風春水湛晴天
斜日平林畫素烟
不會浮雲亦多事

又將飛雨過山前

小圃來時春向深
醱猶得伴孤斟
欲畱午枕夢歸去

縹緲行雲何處尋

滿目塵埃嘆滯留
空勞魂夢遶南州
湧金亭下烟波闊

聊作西湖一段秋

山色於人定有緣
鬢眉黛巧爭妍
何當招我白雲下

坐對蒼崖百尺泉
夜涼波面湧金霞
坐覺天香落桂華
便合冷然御風去
玉川何待七盃茶

飛橋跨岸飲晴虹
雲散風微水月空
日日塵沙困鞍馬
暫畱身在廣寒宮
臺高山遠淡如無
愁極羈人念索居
一任東風吹鬢髮
蕭蕭蓬葆不禁梳
鳳髓何能續斷絃
只憑樽酒送彫年
仙人示我長生術
除卻醉鄉非洞天
忠正德文集 卷六

卷六

古

宦學平生著意深
要從黃卷古人尋
功名富貴非吾事
只有淵明會此心
昨非今是若爲論
有媿悠悠出岫雲
老鶴乘軒本無意
何妨飲啄混雞羣
浩蕩東風卷送春
嬌鶯雛燕謾爭新
此心自有青山約
不是看花陌上人
江流變血火連天
聞道舟行相後先
今世謀身無第
政緣夫子愛逃禪

自越趨明上虞道中和季申梅四首
關山戎馬信音稀腸斷無人寄一枝沽酒西城聯騎入
上林踏雪探春時
孤標亦自惜幽姿折贈行人第幾枝萬斛清愁江上雨
曾看結子欲黃時
玉瘦香寒不自持蕭然冷蘂暗疎枝向來幾許閑花木
及見春光爛漫時

天與清芬心自知叢林深處出纖枝發明无限春消息

正是風霜作惡時

忠正文集

卷六

五

自四明回越宿通堰下

短棹還隨海浪回通明堰下小徘徊東風吹落篷窗雨
點點春愁枕上來

一壺春色玉生光最愛霏霏遶鼻香淺醉不禁衣袖冷

幽林風雨夜蒼涼

仙官新拜舊詞臣林下相逢又一人勿謂滄浪清可濯

此心元自絕纖塵

於世無功懶據鞍
茅種竹老空山不應天與靜中趣

自是人容拙者閑

無題

膠膠身世竟何窮
急電飛花過眼空
惟有離愁推不去
五更孤枕角聲中

再書一絕

吳九何如黃四娘
能令詩老醉顛狂
可憐去歲花前客
戎馬塵埃兩鬢霜

元長謁仲長彥文贈以樽酒

杖頭挑取一壺春
要使朱顏日日新
何必稽山尋賀老

忠正德文集

卷六

六

風流俱是謫仙人

范元長寄示劉野夫滿庭芳曲因用其語戲呈

暮年生計酒葫蘆
定是前身劉野夫
他日爛柯山下見

儼然一部黑髭鬚

次韻元長觀梅三首

曳杖山間自探春
雨餘梅意已清新
兵戎草草傷淪落

一醉花前有幾人

種柳栽花舊惜春
不知春色爲誰新
年年青眼樽前客
只有寒梅是故人

歸來醉撚一枝春，照影涼蟾過雨新。不似霸陵愁醉尉，
穿雲渡水寂無人。

建康得家書寄元長觀梅詩因次其韻

金對卷八

東風一紙平安信，聞道黃岡春已來。傳語吳生好看客，
梅花應似去年開。

枕上

市樓春睡厭都城，車轂喧喧枕上聲。此夜客情還冷淡，
一林風露夏雞鳴。

夢覺

忠正德文集

卷六

七

竹枕藤牀一室虛，松風瑟瑟夢驚餘。破窗猶有流螢度，
老我疎慵不讀書。

老去人憐百病攻，平生感慨竟誰同。須知一點懸懸念，
不在功名富貴中。

虛窗午夜月朦朧，推枕蕭然百念空。更問幽人洗心法，
二年魂夢水聲中。

泊白鷺洲時辛道宗兵潰犯金陵境上金陵守不

得入

脫迹干戈幸再生，時時心折夢圍城南來。客枕能安否

更作江湖盜賊驚坐合愁髮變短滿河常早驚風神不
城頭傳令插軍麾城下行人淚滿衣處處悲風吹戰角
沙洲白鷺莫驚飛
月滿滄江風水清沈沈冰鑑照孤城何人心緒猶無事
醉臥船舷一笛橫

泊盈川步頭舟中酌酒五首

那知亂後年光促但覺春來酒味長炯炯新蟾照人白
恨無雙竹倩孫郎

空籠影照琉璃滑滑鴻洞聲傳鐘鼓長便買扁舟作家宅

忠正德文集 卷六

六

風流千載謝三郎

飛揚跋扈今安取放浪酣歌亦所長曾醉西湖春色否
傳聲江上問諸郎
蒼蒼烟盡千巖秀泛泛花流一水長會向武陵尋避世
此身已是捕魚郎

收功不在干戈衆和議元非計策長聞道搜賢徧南國
要令寰海識周郎

一掃湖湘氛祲消坐令愁嘆變歌謠何當早駕風帆下

來看錢塘八月潮

丁酉春紹興書懷

案鼎以紹興六年丙辰冬除知紹興西字當是巳字之誤

賀監湖邊樹樹花東風隨意作紛華那知老守懷歸切
隴水秦雲是我家

送張汝霖糾左馮翊六絕

風流幕府固多閑冷落曹司絕往還舉酒高樓誰作伴
何妨借取華州山

平嶽亭高一望閒烟霞縹緲掛飛仙請君直跨剛風騎
去折山頭十丈蓮

忠正德文集

卷六

六

堂前雙樹小桃枝曾看芳英落酒卮要識當時花下客
鬢毛衰颯病文離

花發城南苑路迷衫裁白紵馬如飛月明落水黃昏後
猶有遊人喚渡歸

麴面浮醅玉雪光陶中猶帶漉時香何當分我臘餘味
試發樽前舊態狂

平時三輔盛他邦白面青衫意氣郎落魄朋遊那復問
更將苦語話離腸

病愈

支離瘦骨怯寒侵霧雨冥冥山更深醫國無功還自治
暮年藥裹最關心
雲山環合戶深闕中有幽人竟日閑好在窗前數竿竹
與君相伴老山閒

潮陽容老出游閩浙過泉南當謁湧老禪師因寄

四句偈

老矣潮州韓吏部饑餐渴飲似當年明明夜月長相照

莫恠無書寄大顛

忠正德文集 卷六

三

吉陽寄李泰發

海風吹浪去如飛離母山高日出遲此意此情誰會得

因書寫與故人知

詩餘

慶 壽 醉蓬萊

破新正春到五葉堯莫弄芳初秀翦綵然膏燦華筵如

晝家慶圖中老萊堂上競祝翁遐壽喜氣歡容光生玉

巵香霏金獸 誰會高情淡然聲利一笑塵寰萬緣何

有解組歸來訪漁樵朋友華髮蒼顏任從老去但此情

依舊歲歲年年花前月下一樽芳酒

燕歸梁

爲人生
日作

綽約彤霞降紫霄是仙子風標細裙明珮響瓊瑤散馥
郁暗香飄二小春十月寒猶淺粉弄梅梢秦樓風月待
吹簫舞雙鶴醉蟠桃

畫堂春

春日

空籠簾影隔垂楊夢回芳草池塘杏花枝上蝶雙雙春
晝初長強理雲鬟臨照暗彈粉淚沾裳自憐容艷惜
流光無限思量

忠正德文集

卷六

三

醉桃園

春晚

青春不與花爲主花正開時春暮花下醉眠休訴看取
春歸去鶯愁蝶怨春知否欲問春歸何處只有一樽
芳醕畱得青春住

少年遊

山中
送春

三月正當三十日愁殺醉吟翁可奈青春太無情甚歸
去苦匆匆共君今夜不須睡樽酒且從容說與樓頭
打鐘人道休打五更鐘

怨春風

閨怨

寶鑑菱花瑩孤鸞慵矚影魚書蝶夢兩消沈恨恨恨結
盡丁香瘦如楊柳雨疎雲冷宿醉厭厭病羅巾空淚
粉欲將遠意託湘絃悶悶悶香絮悠悠畫簾悄悄日長
春困

念奴嬌

晚興

言藉

小園曲徑度疎林深處幽蘭微馥竹鳴無人雙翠羽飛
觸珊珊寒玉更欲題詩晚來孤興卻恐傷幽獨不如花
下一樽芳酒相屬

慨念故國風流楊花春夢短黃梁

初熟卷白千觴須勸我洗此胸中榮辱醉揖南山一聲

忠正德文集

卷六

三

清嘯休把離騷讀遲畱歸去月明猶掛喬木南山一

賀聖朝

秋思

斷霞收盡黃昏雨滴梧桐疎樹簾櫳不卷夜沈沈鎖

庭風露天涯人遠心期夢悄苦長宵難度知他窗外

促織兒有許多言語

蝶戀花

春思
河中作

盡日東風吹綠樹向晚輕寒數點催花雨年少淒涼天
付與更堪春思縈離緒臨水高樓攜酒處曾倚哀絃
歌斷黃金縷樓下水流何處去憑欄目送蒼烟暮

減字木蘭花

和倅車韻倅將還闕因以送之

筆端紅翠造化工夫春有意雲夢涵胸好去蓬山十二重
天街追騎催喚謫仙泥樣醉電掃雲空百斛明珠
咳唾中

水調歌頭

甲辰九月十五日夜飲獨樂見山臺坐中

屋下疏流水屋上列青山先生跨鶴何處杳窈白雲閑
採藥當年三徑只有長松綠竹霜吹晚蕭然舉酒高臺
上彷彿掛羣仙轉銀漢飛寶鑑溢清寒金波萬頃不
動人在玉壺寬我唱君須起舞要把嫦娥畱住相送一
忠正德文集 卷六

三

孟殘醉矣拂衣去一笑渺人寰

虞美人令

送信道舅先歸桐宮

魂消目斷關山路曾送雕鞍去而今畱滯古燕京還是
一樽芳酒送君行吾廬好在條山曲三徑應蕪沒詠
茅爲我補東籬會待新春殘臘也來歸

好事近

雪中攜酒過元長

春色遍天涯寒谷未知消息且共一樽芳酒看東風飛
雪太平遺老洞霄翁相對兩華髮一任醉魂飛去訪
瓊瑤宮闕

又次前韻

羈旅轉飛蓬
投老未知休息
卻念故園春事舞殘紅
飛雪危樓高處望
天涯一抹山如髮
只有舊時涼月照清伊
雙闕

又再次前韻

一炷鼻端香
方寸浪平風息
汲取玉池春水點紅爐
微雪年來都以酒相妨
尺退進毫髮
卻道醉鄉深處是三山神闕

又再次前韻

忠正德文集

卷六

言

煙霧鎖青冥
直上九關一息姑射
有人相挽瑩肌膚
冰雪山騎鯨
卻下大荒來
天風亂吹髮
慨念故人非
是漫塵埃城闕

客裏逢春

客路那知歲序移
忽驚春到小桃枝
天涯海角悲涼地
記得當年全盛時
花弄影
月流輝
水晶宮殿五雲飛

分明一覺華胥夢
回首東風淚滿衣

八月十五日

雙峯遙促回瀾奔
注茫茫濺雨飛沙霜凜
劒戈風生陣

馬如聞萬鼓齊搥兒戲笑夫差漫水犀強弩一戰魚蝦
依舊羣龍怒卷銀漢下天涯 雷驅電幟雄夸似雲垂
鵬背雪噴鯨牙須臾變滅天容水色瓊田萬頃無瑕俗
眼但驚嗟試望中彷彿三島烟霞舊隱依然幾時歸去
泛靈槎

河傳

秋夜
旅懷

秋光向晚歎羈遊坐見年華將換一紙素書擬託南來
征雁奈雪深天更遠 東窗皓月今宵滿淺酒芳樽暫
倩嫦娥伴應念夜長旅枕孤衾不暖便莫教清影轉

忠正德文集

卷六

五

浪淘沙

九日會飲
分得鴈

霜露日淒涼北鴈南翔驚風吹起不成行弔影滄浪何
限恨日暮天長 爲爾惜流光還是重陽故人何處艤
危檣寄我相思千點淚直過瀟湘

浣溪沙

送邗
子友

惜別懷歸老不禁一年春事柳陰陰日下長安何處是
碧雲深 已恨梅花疎遠信休傳桃葉怨遺音一醉東
風分首去兩驚心

賀聖朝

丙辰歲
生日作

花光燭影春容媚香生和氣紛紛兒女拜翁前勸犀樽

金醴

家釀名
出真誥

笑凌烟圖畫王侯富貴非翁雅意願翁早

早乞身歸對青山沈醉

西江月

福唐別
故人

世態浮雲易變時光飛箭難留五年重見海東頭只有

交情似舊未盡別來深意難堪老去離愁青山迢遞

水悠悠明日扁舟病酒

洞仙歌

空山雨過月色浮新釀把盞無人共心賞漫悲吟獨自

忠正德文集

卷六

美

撚斷霜鬚還就寢秋入孤衾漸爽可憐窗外竹不怕

西風一夜瀟瀟弄疎響奈此九回腸萬斛清愁何處邈

如天樣縱隴水秦雲阻歸音便不許時間夢中尋訪

交靜琴調相思令

思歸
詞

歸去來歸去來昨夜東風吹夢回家山安在哉

杯復一杯準擬愁懷待酒開愁多腸九回

人月圓

中秋

連環寶瑟深深願結就一生愁人間天上佳期勝賞今

夜中秋雅歌妍態常娥見了應羨風流芳樽美酒年

年歲歲月滿高樓

傑謹案自此以下五首從黃叔暘花菴詞選本增入

滿江紅

丁未九日南渡泊舟儀真江口

慘結秋陰西風送絲絲雨濕凝望眼征鴻幾字莫投沙
積欲向鄉關何處是水雲浩蕩連南北但修眉一抹有
無中遙山色天涯路江上客腸已斷頭應白空搔首
興歎莫年離隔欲待忘憂除是酒奈酒行有盡愁無極
便挽將江水入樽巵澆胸臆

浣溪沙

美人

豔豔春嬌入眼波勸人金盞緩聲歌不禁粉淚搵香羅

忠正德文集

卷六

毛

暮雨朝雲相見少落花流水別離多寸腸爭奈此情

何

點絳脣

春愁

香冷金爐夢迴鴛帳餘香嫩更無人問一枕江南恨
消瘦休文頓覺春衫褪清明近杏花吹盡薄暮東風緊

又 惜別

惜別傷離此生此念無重數故人何處還送春歸去

美酒一杯誰解歌金縷無情緒淡烟疎雨花落空亭暮

賜進士出身四川北兵備道加三級前翰林院編修臣吳傑恭刊

忠正德文集卷七

宋趙鼎撰

建炎筆錄

建炎三年己酉歲

正月車駕在維揚是月末金人侵宿泗前一月已有南侵之報遣苗傅以所部兵扈衛隆祐太后往杭州

二月車駕在維揚 初一日急奏至朝廷不以爲然上

獨憂之是日遣劉正彥以所部兵從皇子六宮往杭州

是晚出門 初二日皇子六宮渡江 初三日上御殿

忠正德文集 卷七

一

執政奏事未退御前所遣探事小黃門馳騎告急上卽

日出門渡江幸浙西 十二日車駕至杭 二十二日

某買舟泛錢塘江之衢是月中書侍郎朱勝非拜右僕

射翰林學士葉夢得除尚書左丞御史中丞張澂除尚

書右丞宰相黃潛善汪伯彥並罷

三月車駕在杭是月初葉夢得罷 初五日苗傅劉正

彥殺簽書樞密院王淵誅宦者遂成明受之禍是日某

至衢泊舟門外浮石渡 初七日是夜明受赦過 初

十日準尚書省劄子二月某日奉聖旨趙某召赴都堂

審察仍令閣門引見上殿初車駕至杭百官至者十無
一二有旨都司侍從各薦二人右司員外郎黃槩以某
應詔十一日準尚書省劄子催赴行在所二十八
日發衢州趨行在所

四月車駕在杭州初二日上復辟隆祐太后垂簾同
聽政苗傅劉正彥皆建節賜誓書鐵券充京西制置使
俾提兵而去是日某至杭州門外且聞勤王兵至乃入
門初三日苗傅劉正彥引兵拒韓世忠於臨平山下
世忠死戰二賊大敗是晚拔寨而遁初四日韓世忠

忠正德文集

卷七

二

劉光世張俊入見是日隆祐太后卷簾初五日知樞
密院事張俊簽書樞密院事呂頤浩至初六日宣制
呂頤浩拜右僕射初車駕渡江命頤浩簽書密院充沿
江制置使控扼大江又命中書侍郎朱勝非禮部侍郎
張浚留平江控扼海道勝非尋入相浚獨留泊明受之
變浚與統制官張俊密計勤王議既定以書招頤浩劉
光世既而韓世忠自淮揚至遂舉勤王之師先是浚遣
進士馮輻間道入杭貽書執政且詰二賊以明受之事
請以土爲皇太弟總兵北伐皇子爲皇太姪監國二賊

始懼乃命浚知樞密院事趣令還闕供職浚不至二賊請以兵誅浚隆祐難之遂謫浚散官安置浚不奉命至是乃命頤浩作相浚仍舊知樞密院尋以翰林學士李邴參知政事御史中丞鄭穀簽書樞密院馮轡者前此既預返正之議自白衣一命奉議郎工部員外郎仍賜緋魚 十三日某蒙恩除司勳員外郎 十九日車駕幸建康發杭州百司扈從齊發遂遣韓世忠追捕苗傅劉正彥是月末又以翰林學士滕康同簽書樞密院

五月初一日車駕至無錫 初三日車駕至鎮江某始

忠正德文集

卷七

三

供職百司水陸從便 初十日某至建康前一日車駕

已至以保寧寺爲行宮 十五日眞州報知樞密事張

浚爲高郵賊薛慶拘留浚自鎮江徑渡往彼撫諭慶欲

邀厚賞故脅留之三日乃以兵衛之而出上初聞憂甚

遣統制官王瓊提兵往平其事瓊始渡江浚已歸矣

十八日浚歸初得眞州報有旨罷知樞密院既歸仍舊

六月車駕在建康 初一日對先是以黃槩薦得旨上

殿張浚至枕又薦對至是以郎官初除合是三者對於

行宮 初三日有旨以久雨多寒召郎官以上赴都堂

條具時政闕失可以弭天變收人心召和氣者是日韓世忠生致苗劉二賊獻於行在並伏法幸十五日浚進呈入蜀官屬土獨留某欲除言事官是日有旨趙某令上殿奏事先是浚被命充川陝宣撫使議以某爲主管機宜文字卽始薦之意也二十日某蒙恩除左司諫先有旨奏事未對間有是命

七月車駕在建康初一日對自是以言事數對不復記初七日某蒙恩除殿中侍御史是月皇子薨發書

樞密院鄭穀薨於位叅知政事李昉罷資政殿學士王

忠正德文集

卷七

四

絢除叅知政事兵部尚書周望同簽書樞密院

八月車駕在建康十三日執政率百官辭太后於內

東門先是有旨以百司閑慢細務常程注授之類並從

太后之洪州謂之從衛三省樞密院簽書樞密院滕康

除資政殿學士主行其事吏部尚書劉珪除資政殿學

士副之恩數並同二府

閏八月車駕在建康初一日有旨召百官赴都堂議

巡幸岳鄂吳越利害始張浚入蜀議定幸岳鄂庶幾聲

援相接至是議者多以吳越爲便遂改前議十三日

宣制右僕射呂頤浩遷左僕射知樞密院事杜充拜右
僕射充自在京留守除知樞密院召還上以委寄之重
恐其意未滿遂拜相至十四日執政率百官迎太廟神
主於清涼寺至十六日天寧觀辭太廟神御是日有詔
以二十六日幸浙西留右僕射充鎮守建康劉光世屯
太平州韓世忠屯鎮江王瓊屯常州並聽充節制是時
劉韓各提重兵畏充嚴峻論說紛紛已而光世移屯江
州世忠移江陰常州境上由是充所統者王瓊及其舊
部曲陳淬岳飛數頭項而已至二十日御史中丞范宗

忠正德文集

卷七

五

尹到臺供職至二十一日降旨百司及六曹都司檢正
以五十二日先發至平江侍從臺諫以二十三日先發
至鎮江以俟至二十三日某登舟解纜是夜宿靖安港
中平二十八日車駕至鎮江中平初一日止不御殿百司守局以司
九月車駕在鎮江中平初一日止不御殿百司守局以司
天奏當日蝕也是日某先發宿冷口中平初二日車駕發
鎮江中平初六日車駕至平江中平十一日御殿百官始朝
謁中司對因及某自司諫除殿中之誤上白呂頤浩多
愆外官不詳典故中平十二日某蒙恩除侍御史中平二十

五日降旨幸越 二十八日百司侍從先發是月翰林
學士張守除同簽書樞密院事

十月車駕在平江 初一日臺諫發大雨不可行次日
出門 初四日車駕發平江以同簽書樞密院周望充
浙西宣撫使置司平江留兵數項委以控制 初十日
車駕至杭 十五日車駕渡錢塘江幸越 十七日某
渡錢塘出陸宿西興待舟不至

十一月車駕在越 初三日冬至是日頒巡幸赦 初

六日報潭州軍變 十四日報金人遊騎至和州又一

忠正德文集 卷七

六

項由陳蔡趨蘄黃 十六日報金人已渡大江至興國

軍是日有旨召從官赴都堂議 十九日出城奉迎萬

壽觀神御卽眞宗皇帝章惠皇后及温成皇后也步軍

間勅自京師奉迎至 二十一日對始至榻前上卽謂

某曰隆祐太后此月初九日已離洪之虔州矣 二十

二日給事中汪藻中書舍人李正民獻議請車駕幸平

江迎敵緩急登海舟以避從之 二十三日黃榜幸浙

西迎敵詔士民讀之有流涕者 二十五日車駕進發

從官從後節次赴行在是夜四更得報金人侵廣德軍

駕復回又杜充奏二十日大戰江上王夔不策應是致軍敗 二十六日車駕還越是夜范宗尹除參知政事 二十八日有旨巡幸四明是日兩大作車駕出門駐城外某同臺諫泊曹娥堰下 二十九日御舟過曹娥堰舟船擁併留二日不能前遂出陸

十二月初一日車駕在餘姚路中 初四日車駕至明州 初九日參知至都堂問邊報凌晨聞衛士作鬧中軍統制辛永宗以兵入衛少頃卽定先是遣監察御史林之平使閩廣發船運至是米舟百隻至岸朝廷以爲

忠正德文集

卷七

七

天賜此便兼聞敵騎已至建昌且遣人傳檄邵武遂有乘桴之計卽下令每舟一隻載衛士六十人人不得過兩口渠輩相謂曰我有父母或曰我有妻子不知所以去留訴於皇城司內侍陳宥宥率衆人同稟於朝是日宰執入奏事至殿門宥迎諸公言之衛士立砌下人既衆陳訴紛紛稍出不遜語間有斥罵者殿帥李質挺身當立止遏之諸公趨入殿門遂止事出一時非本謀爲亂也 初十日某蒙恩除御史中丞日下供職 十二日誅親從四人爲首者餘皆分隸諸軍明日又誅數人

於是除衡門外衛士盡廢 十四日報杭州守貳而下
皆遁敵騎至城下城中不知 十五日雨大作先是某
上言車駕倉皇遷避至明已近旬日未曾御殿何以慰
安中外乞依常禮見百官衛士以解危疑之心有旨十
五日御殿依例望拜二帝至是百官班未入闈杭州之
報上擐甲坐小殿排辦出城士大夫去者有風濤之患
留者有兵火之虞相別殿門外皆面無人色是日上登
舟 十六日御舟乘早潮發至定海 十七日有旨差
某同汪藻留明州商量軍事前一日得報敵遣人使入
忠正德文集 卷七 八

明州界不欲令至行在遂遣宗尹復回四明應接之因
令宗尹盡護諸將且應報諸路文字宗尹請某同行及
欲汪掌制撰文字也 十八日回舟至明奉使盧仲來
自金軍云七月同崔縱過河北縱被留伸隨軍前來初
渡江杜充戰不利差人下劄子議事意欲投降降者既至
建康充領兵而遁所遣使卽破和州所得歸朝官程暉
非其國人也與宗尹商量既非專使恐不必見遂不復
見之伸所攜國書語極不遜 二十日聞郭仲荀退遁
曠縣先是車駕發越州以仲荀充浙東宣撫副使張俊

充浙東制置使俊旣勾回罷制使復以李鄴爲之仲荀
遂退師是日李迨奏仲荀所遣錢塘江把隘兵二千餘
人焚劫蕭山而去又信州報敵破撫州擄知州王仲山
歸洪州需金銀來贖乃以仲山之子爲撫倅使之括取
撫州之物杜充所遣屬官直徽猷閣陳起宗至云金人
昨在太平州界夾沙渡對岸下寨我爲備甚嚴敵時以
一二小舟渡江近岸卽殺退之或沈其舟一日正晝對
江拽陣而去五軍旗幟一一可數把隘兵相賀云敵退
矣不知其給也是夜用數十舟載馬百餘匹橫江直渡
支備不及因致潰散其餘敵騎皆浮而濟以江水極淺
故也充欲領衆歸行在今旣路阻不能歸矣是晚頤浩
與宗尹書云杜在眞州甚的又得信州報敵至吉州境
知州楊淵而下棄城而去二十二日報敵騎於十八
日巳時過錢塘江在魚浦至十九日騎渡絕不知其數
是日得旨發回晚復登舟二十三日至定海大風鼓
浪舟反側不定凡三日方止二十六日出江自泛海
洋趨昌國而去晚泊一山下得富直柔報云李鄴報敵
使人招降越州恐直趨四明已定二十七日之天台矣

二十七日早至昌國同宗尹入見舟中是日食時御舟發昌國先是告報每聞御舟笛響卽諸舟起碇而發御舟以紅絲纓爲號餘各以一字如參政卽以參字樞密卽以樞字之類書之黃旗之上插之舟尾 二十八日風不順舟人云每歲盡海上卽數日南風謂之送年風

建炎四年庚戌歲

正月初一日車駕在海道 初二日御舟早發過石佛

洋 初三日御舟入台州港口章安鎮 初四日同戶

忠正德文集

卷七

十

部侍郎葉份中書舍人李正民綦審禮太常少卿陳戩及諫議大夫富直柔同對舟中問聖體是時扈從泛海者執政之外止此六人而已吏部侍郎鄭望之給事中汪藻皆未到 初六日台州報敵侵四明 初七日張俊人至云十二月初二日敵至明州十五里橋俊發兵拒之戰不利正月初二日遂至城下俊大開城門遣精兵用長鎗突出血戰殺近千人得帶環首領二級是夜敵焚寨而遁俊恐敵濟師乞退歸行在且以二級來獻 初十日聞俊已引軍趨台州是日聞越守李鄴投拜

又聞韓世忠奏乞留青龍鎮以待邀擊 十三日有旨
以知明州劉宏道充浙東安撫使張思正充招撫使欲
其緩急得以自如也是日聞周望劾奏秀州太守程俱
擅離任所先是某上言俱文士恐不可當繁劇遂易處
州旣而有佑之者其事遂寢至敵侵餘杭朝廷乃令押
米綱離州望劾之云朝廷私此一人遂失億兆之心士
論是之 十五日張俊至於是扈衛軍聲稍振先是同
宰執會食金鼇山寺宗尹私謂某曰近日諸將姚端等
進見太數錫賚極厚國用窘甚見上幸一言也某歸草

忠正德文集

卷七

七

奏徐思之恐亦有說後乃聞上以明州衛士紛擾盡廢
禁衛獨中軍辛永宗有兵數千而姚端卽御營使頤浩
之親兵將其衆獨盛所以優其禮遇以明受爲戒也

十六日報敵以十三日入四明又見茶司備到仲山公
文稱金人已於十二月二十日間離洪州殺城中老小
七萬餘人由袁之潭矣 十七日報吉州太和縣村民
收得嘉國惠徽朱夫人先是劉珏滕康有奏待罪云除
太后賢妃周夫人莫夫人外其餘舟船並未到 十九
日御舟發章安夜泊松門 二十一日御舟入温州港

二十二日御舟泊管市二十三日御舟在管頭中書舍人李正民充隆祐太后問安使兼兩浙等路撫諭洪州御史臺備申使臣尹希申初黃州關報金人侵入從衛三省移赴虔州至吉州太和縣統制楊惟忠後軍作亂次日前軍作亂一行老小并內人被賊殺害者甚衆臺吏藍衍等十餘人皆未到來人云兵亂時太后賢妃用村夫荷轎更無一人扈衛者及錄到虔州三省關牒探報撫州王仲山投拜用天會年號下屬邑取金銀牛馬等二十五日對乞收海舟及諭韓世忠分兵應

忠正德文集

卷七

三

援因論及洪州之擾上曰太后僅以身免乘輿服御之物一皆棄盡宮人遺失一百六十餘人又曰已退黜滕康劉珪差李回盧益替此二人矣奏事畢將退上乃曰今日方欲召卿相見卽今天下事有二敵退後如何萬一不退如何措置卿可條具奏來是日聞金人明州殺戮甚酷台州一空守臣遁入羅漢洞是日御舟移泊樂灣避管頭台州之路二十六日駕幸水陸寺至是侍從省官稍集班列差盛太試問安封兼兩浙等路撫諭二月車駕在温州港齊初一日御舟移泊温州江心寺

下因賜名龍翔寺有小軒東向賜名浴日皆御書題額
是日押米綱使臣蘇童至云過越時李鄴已敗金人以
其家屬先過錢塘矣賦初五日對於江心寺詩初六日
聞敵侵昌國敵舟欲相襲爲張公裕以大舶衝散復回
明州矣公裕提領海舟者也詩初九日昭懷忌行香罷
遊天慶宮登融成洞天福地天慶卽道士林靈素受業
之地詩初十日呂頤浩在假以獎惑犯紫微垣侵相位
奏乞解機務詩十二日宣押頤浩入奏事如故是日聞
明州兵退詩十七日車駕幸温州城駐蹕州治某遷入

忠正德文集

卷七

七

州中陳氏之居詩三十一日對再薦吳表臣初至溫對
江心寺卽薦溫人吳表臣林季仲以補察官之闕季仲
奉其母避地山中未至表臣先對至是再言之上極喜
曰自渡江閱三吳士大夫多矣未嘗見此人物如素宦
於朝者卿可謂知人矣是日批出除監察御史日下供
職前此知眞州向子恣言昨離眞州盡載本州金帛過
江遂爲韓世忠兵所刼且言杜充已降金人而去麾下
官員多有走回者至是上謂某曰自聞杜充之報不食
者累日非朝廷美事也上文曰且晚頒赦回鑿某因論

數赦之弊上曰以四方號令不通不得不爾 二十四
日同直柔對彈杜充且奏陳乞先罷相候得投降的耗
當別議罪是日降德音返都吳會赦文之前題印標目
云返都吳會之詔議者皆謂太遽以未知吳中消息也
三月車駕在温州 初四日有旨以初十日車駕進發
某力言其未可 初六日有旨未行展至月半 初九
日對論諸所獲生口內契丹并燕薊及諸路簽軍皆不
可殺上曰正與吾意合 十二日浙西人皆至云平江
失守一使臣卽周望之部曲也言敵騎二月二十四日
忠正德文集 卷七 古
至城下周望湯東野卽日引衆遁去二十五日金人突
入更無一人拒捍者焚燒殺戮殆盡初蘇人恃宣司以
爲安敵至欲遁而舟船悉爲軍兵擄去故無一人得脫
又聞敵以十二月十六日破杭始入城殺人少頃而止
子女玉帛取盡乃以二月初七日下午令洗城自州門殺
人而四隅發火十四日始離杭火十餘日方罷是日又
聞知秀州程俱爲宣司所囚初杭州旣破敵使人移檄
俱降俱不能決曰小邦不敢專輒卽解赴宣司又慮見
襲卽遁出州外村落間一職官權州遣吏追俱復回託

以押米趨闕尋爲宣司勾捉而去幾爲所斬已而放出之乃効於朝也十四日降旨移蹕越州十八日車駕詣天慶宮朝拜九廟執政從官扈從自渡江至是始有此禮駕回登舟十九日御舟發温州著淺行數里而止二十日御舟至管頭 二十一日御舟至海門 二十二日海霧四合少進不行 二十三日風順諸船直抵章安舟行前後不相見是夜御舟不至執政船入港復回而餘官皆不知但聞喝探人歌唱之聲謂御舟在前然喝探人亦復不知御舟之未至也翌日率臺忠正德文集 卷七 五

諫倉皇回舟至港口迎見御舟之至卽二十四日也云至松門著淺舟側幾覆泊章安三日 二十七日御舟發章安章二十八日御舟泊慈濟院下二十九日御舟入明州港定海縣合 初一日車駕在定海縣 初二日御舟至明州晚同直柔對舟中以臺諫在章安入奏乞同對問聖體至是指揮始下殿中沈與求司諫黎確尋舟不見 初四日御舟至餘姚海船不能進遂易小舟仍許侍從百司從便先發自入定海所過焚燒殆盡死屍相枕藉某至

明論奏宜有以優恤之上覽奏惻然動念故有免商稅及租役之詔仍支錢數萬以濟貧民留餘姚六日以諸司易舟也 十一日車駕至越是月左僕射呂頤浩罷後一月某蒙恩除端明殿學士簽書樞密院事是年十月初以議辛企宗建節不合眷意稍替由是間言得入初降出企宗論功劄子皆無實狀余謂諸公曰企宗正任承宣不知何以酬之意在節旄乎范覺民嘆曰此則不可當優與軍職耳

紹興二年壬子歲

忠正德文集

卷七

六

十月除知平江時呂頤浩再相兩辭不獲道改知建康充江東安撫大使

十一月過行闕初對上玉色怡然顧勞甚至余進曰建康殘破之餘又宣督兩司屯駐大軍皆招收羣寇上下憂疑在今最爲艱難之地臣之此行或因廟堂進擬則臣斷不敢往敢以死請萬一出於宸斷臣亦不復辭也上曰江東闕帥朕曉夕思之無以過卿者實出朕意也卿到官有奏陳朕當自主之余頓首謝

賜進士出身四川北兵備道加三級前翰

林 臣 吳 傑 恭 刊

